

# Stáhtaráđi ásahus

## sámi dálkkádatrádis

Stáhtaráđi mearrásusa mielde mearriduvvo dálkkádatlága (423/2022) 21 § vuodul:

1 §

### *Barggut*

Dálkkádatlága (423/2022) 21 § 2 momeanttas dárkuhuvvon Sámi dálkkádatráđi eará barggut, mat gusket diehtovuođu buvttadeami, leat:

- 1) cealkámušaid addin maid eará dálkkádatpolitihka riikkaviidosaš plánain go dálkkádatlága 9—12 §:s dárkuhuvvon plánain;
- 2) diehtovuođu buvttadeapmi álbmotlaš dálkkádatpolitihka váikkuhusaid árvvoštallama ja čuovvuma várás sámi kultuvrra ja sámi vuogatvuodaid oaidninvuogis;
- 3) cealkámušaid addin báikkalaš dálkkádatplánain dehe dálkkádatdoaimmain, mat gusket sáp-melačaid ruovttuguovllu;
- 4) dakkár eará go 1—3 čuoggáin dárkuhuvvon diehtovuođu buvttadeapmi, mii doarju sámi kultuvrra dálkkádatrievdama goahcamis dehe dálkkádatrievdamii vuogáiduvvamis

2 §

### *Čoakkádus*

Sámi dálkkádatráđis lea ságadoalli, várreságadoalli sihke eanemusat logi eará lahtu. Unnimusat bealli dálkkádatráđi lahtuin fertejít leat sámi árbevirolaš dieđu eaiggádat. Eará dálkkádatráđi lahtut fertejít ovddastit birasdiehtagiid dehe eará dálkkádatráđi bargguid dáfus guovddáš dieđasurggiid.

Ságadoalli ferte ovddastit eará dieđasurggiid. Várreságadoalli ferte leat sámi árbevirolaš dieđu eaiggát.

Dálkkádatráđis fertejít leat sámi árbevirolaš dieđu eaiggádat sámi ruovttuguovllu sierra guovlluin ja vejolašvuodaid mielde sámi sierra giellajoavkkuin.

3 §

### *Ásaheapmi ja doaibmaáigodat*

Stáhtaráđdi ásaha sámi dálkkádatráđi ságadoalli ja eará lahtuid njealji jahkái háválassii biras-ministeriija ovdanbuktojumis. Birasministeriija bivdá evttohusaid dieđasurggiid ovddasteaddji lahtun universiteahtain, stáhta dutkanlágádusain, dálkkádatráđi bargguid dáfus guovddáš ámmatlaskuvllain ja Suoma dálkkádatpanelas.

Sámediggi válmmastallá evttohusa dálkkádatráđi čoakkádussan sámi árbevirolaš dieđu eaiggádiid oasil. Birasministeriija ja sámediggi ráddádallet evttohusas. Ráddádallamiin doahttaluvvo, mii sámedikkis addojuvvon lága (974/1995) 9 §:s mearriduvvo.

4 §

*Doaibma*

Sámi dálkkádatráddi vállje gaskavuođastis várreságadoalli. Dálkkádatráddi lea mearri-danválddálaš, go mearrádusdahkamii oassálastet ságadoalli dehe várreságadoalli lassin un-nimusat bealli dálkkádatrádi lahtuin.

Dálkkádatrádi cealkámušat addojuvvojit suomagillii ja sámegielaise.

5 §

*Lahtuid doaibmaáigodat*

Sámi dálkkádatrádi lahttun sáhttá doaibmat eanemusat guokte doaibmaáigodaga manjnjálaga.

6 §

*Bálkkašumit*

Sámi dálkkádatrádi lahttui máksojuvvo jahkebálkkašupmi. Ságadoalli bálkkašupmi lea 5 000 euro, várreságadoalli 3 000 euro ja lahtu 1 500 euro.

7 §

*Vuoibmáiboahtin*

Dát ásahus boahtá vuoibmái cuonjománu 1 beaivvi 2023.

Helssegis 9.3.2023

Olgoriikkaministtar Pekka Haavisto

Ráđđehusčálli Karin Cederlöf